



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Capvt XI. Oratio pro agnoscenda & sequenda via vitæ.

[urn:nbn:de:hbz:466:1-45790](#)

CAPVT XI.

Oratio pro agnoscenda & sequenda via vita.

Domine Iesu Christe lumen verum, æternum, & incom-
mutabile; qui ad illuminandas humanæ ignorantiae tene-
bras in huius mundi carcerem descendere dignatus es: vt viam
nobis ostenderes ad patriam claritatis æternae, ubi sanctis ange-
lis semper præsens es, & sine defectu lutes. Exaudi preces hu-
militatis meæ, & desiccum illud lumen, quod mundo prædicasti,
& cunctis per orbem gentibus prædicari iussisti, cordi meo gra-
tiosa largitate infunde, vt cognoscam in terra peregrinationis
meæ viam tuam. Quatenus seculi vanitate relixa, & cura carnis
abiecta, te creatorum meum ac redemptorem passibus sequar a-
moris, vsque ad exitum vitæ meæ, in omni paupertate & humili-
tate, in patientia & longanimitate, in fide, spe, & charitate, in
sobrietate, in castitate, & obedientia perfecta. Tu es enim specu-
lum vitæ, & lucerna totius sanctitatis; qui me præcessisti in via
virtutis, vt me reduceres in agnitionem veritatis, qui multis er-
roribus & peccatis eram inuolutus. Te ipsum mihi proposuisti
in exemplum viuendi, vt si quempiam sanctorum imitari tæde-
ret, saltem te Deum meum sequi non piceat. Et ne hoc impos-
sibile iudicare, multa mihi millia sanctorum exempla reliqui-
sti, qui tua vestigia ardenter sunt secuti.

2. Da ergo mibi amantissime Iesu feruorem spiritus tui; ac-
cende in me ignem, quem venisti mittere in terram; vt cuncta
hæc infirma despiciam, & tibi soli viuere desiderem, tibi soli pla-
cere studeam, ac pro amore tui ab hominibus despici & negligi
non timeam. Esto tu gaudium meum, dulcedo animæ meæ; ha-
bita mecum, & ego tecum, toto excluso mundo. Sis doctor
meus & magister meus, doctrina mea & sapientia mea. Tele-
quendo errare non possum, te semper inspicio, retrahen-
tium sermones non curabo. Omnis labor pro te parvus mihi
videatur, omnis aduersitas leuis, omnis gravitas tolerabilis effi-
ciatur. Præstet hæc mihi amor tuus, qui omnia vincere facit. Se-
quatur & humilitas cordis, quæ omnia implens, nil dignum se
egisse reputat.

3. Tu es exspectatio mea, & adimpletio desiderij mei. Tu re-
creatio mea & illuminatio cordis mei, qui nonquam deseris spe-
rantes in te, quamuis ad horam patiaris eos tentari, vt melius
se cognoscant; & memores sint, quia nihil sine te facere possunt.
O vnicæ dilectæ Iesu, ne derelinquas me inconsolatum in huius
mundi exilio: sed sicut dixisti & promisisti, ita mecum age.

v. 5

768 DE ELEVATIONE MENTIS IN DÉVM.
vt vadas & venias iterum ad me tempore opportuno; donec finito probationis certamine, assumas ad te ipsum in æternam gloriam tuam: in qua viuis & regnas Deus in sæcula sæculorum. Amen.

CAPVT XII.

Oratio ad salutandum Dominum nostrum
Iesum Christum.

IAve Domine Iesu Christe, rex sanctorum angelorum: cui omnes virtutes obediunt cælorum: quem Cherubini atq; Seraphini adorant, laudant, & benedicunt in secula seculorum.

Ave Domine Iesu Christe, verus Messias & Sanctus sanctorum, missus ab arce Patris in hunc mundum: quem omnes sancti ab origine expectauerunt: quem Patriarchæ magnis desiderijs videre cupierunt: quem Prophetæ varijs præconijs venturum cecinerunt.

Ave Domine Iesu Christe, creator ac redemptor generis humani: quem apostoli & euangelistæ mundo prædicauerunt, & verum Dei Filium pro nobis incarnatum, passum, & resuscitatum docuerunt: atque gloriose signis & prodigijs coruscantes, sanctam per orbem ecclesiam plantauerunt.

Ave Domine Iesu Christe, fortissimus propugnator & fidelissimus adiutor sanctorum, quem gloriose martyres spretis mudi huius delectationibus, spretis & corporis sui supplicijs, beatæ passionis agone imitati sunt; atque pro testamento fidei, le morti constanter tradiderunt.

2. Ave Domine Iesu Christe, summus sacerdos & verus pontifex, & pastor æternus: quem sacerdotes & Leuitæ, doctores atque confessores, vita, scientia, & virtutibus clarificauerunt; quæ monachi & eremitæ, per arcam angustamque viam gradientes, tota mentis deuotione dilexerunt.

Ave Domine Iesu Christe, Sponsus virginum, solamen viduarum, spes pupillorum, refugium destitutorum, leuamen tristium, æterna salus credentium, portusque latissimus omnium ad te venientium: quem speciali castitatis decore virginum chorus sequitur innumerabilis, ferens immaculatam aureolam suæ integritatis.

Ave Domine Iesu Christe, lux mundi, fons vitæ, paradisus animalium, iucunditas cordis, dator gratiæ, restitutor innocentie: in quo sunt omnes thesauri sapientiæ & sciætiae Dei absconditi; quæ nosse, vivere, cui seruire, regnare est: quem semel vidiisse, est omnia didicisse, in quem angeli videre concupiscunt, ac novo semper